

HELAIAN FAKTA NOTIS PERTUKARAN ASING - AKAUN MATA WANG ASING (INDIVIDU)

Dilindungi oleh PIDM setakat RM250,000 bagi setiap pendeposit

APAKAH NOTIS PERTUKARAN ASING?

Notis Pertukaran Asing ("Notis FE") merupakan beberapa peraturan yang dikawal selia oleh Bank Negara Malaysia ("BNM") di bawah Akta Perkhidmatan Kewangan 2013 dan Akta Perkhidmatan Kewangan Islam 2013 untuk melindungi nilai Ringgit Malaysia ("Ringgit")

Anda dinasihatkan supaya membaca dan memahami Notis-notis FE serta memastikan segala aktiviti yang dijalankan untuk akaun yang diselenggara dengan Hong Leong Bank Berhad dan/atau Hong Leong Islamic Bank Berhad ("Bank") mematuhi Notis-notis FE setiap masa.

ADAKAH ANDA PEMASTAUTIN ATAU BUKAN PEMASTAUTIN?

Peraturan-peraturan menurut Notis-notis FE adalah berbeza antara Pemastautin dengan Bukan Pemastautin.

Takrif BNM tentang Pemastautin dan Bukan Pemastautin dibentangkan dalam Akta Perkhidmatan Kewangan 2013, sila rujuk jadual di bawah (untuk panduan):

Kewarganegaraan	Status Pemastautin Tetap sebuah negara di luar Malaysia	Lama masa bermastautin di luar Malaysia	Status Kemasta utinan	Kewarganegaraan	Status Pemastautin Tetap sebuah negara di Malaysia	Lama masa bermastautin di Malaysia	Status Kemastautinan
Warga Malaysia	Tidak	N/A	Pemastautin	Bukan Warganegara Malaysia	No	N/A	Bukan Pemastautin
	Ya	> 182 hari*	Bukan Pemastautin		Yes	> 182 hari*	Pemastautin
		< 182 hari*	Pemastautin			< 182 hari*	Bukan Pemastautin

* Pengiraan 182 hari adalah berdasarkan setiap tahun kalendar dan tidak semestinya secara berterusan

APAKAH AKAUN MATA WANG ASING HLB?

Individu adalah bebas membuka Akaun Mata Wang Asing ("FCA") dengan Hong Leong Bank (HLB). FCA boleh dibuka:

- secara individu oleh pelanggan tunggal Pemastautin atau Bukan Pemastautin;
- secara bersama antara pelanggan individu yang semuanya Pemastautin;
- secara bersama antara pelanggan individu yang semuanya Bukan Pemastautin; atau
- secara bersama antara Pemastautin individu dengan Bukan Pemastautin individu yang merupakan ahli-ahli keluarga terdekat. Ditakrif sebagai pasangan sah di sisi undang-undang, ibu atau bapa, anak sahtaraf (termasuk anak angkat sah di sisi undang-undang) atau adik-beradik sahtaraf. Nota: FCA bersama antara bukan ahli-ahli keluarga terdekat Pemastautin dan Bukan Pemastautin TIDAK dibenarkan menurut peraturan FE.

Hong Leong Bank mengelaskan semua FCA kepunyaan pelanggan individu sebagai FCA Pelaburan.

APAKAH PERATURAN YANG TERPAKAI BAGI FCA PELABURAN?

Pengoperasian, sumber dan penggunaan dana keluar masuk Akaun Mata Wang Asing kepunyaan Pemastautin hendaklah selaras dengan keperluan, sekatan dan syarat yang dibentangkan dalam Notis FE yang dikeluarkan oleh BNM sepetimana diringkaskan di bawah ini:

Sumber dana dibenar yang diterima ke dalam FCA Pelaburan	Penggunaan dana dibenar yang dibayar daripada FCA Pelaburan
<p>1. Apa-apa amaun menggunakan dana mata wang asing:</p> <ul style="list-style-type: none"> • Dari luar negara, selain hasil daripada eksport barang • Dari Bukan Pemastautin, selain peminjaman mata wang asing dan derivatif berdenominasi mata wang asing <p>2. Setakat RM10 juta setara peminjaman mata wang asing secara agregat daripada bank dalam pesisir berlesen (iaitu bank tempatan/Malaysia) atau Bukan Pemastautin</p> <p>3. Setakat RM1 juta setara* secara agregat setiap tahun calendar menggunakan dana daripada agregat:</p> <ul style="list-style-type: none"> • penukaran Ringgit kepada Mata Wang Asing; dan • FCA Perdagangan; dan • bertukar-tukar aset kewangan berdenominasi Ringgit di Malaysia dengan aset kewangan dalam Entiti Labuan atau luar Malaysia <p>4. Apa-apa amaun bagi pindahan pihak-sama daripada FCA Pelaburan</p>	<p>1. Apa-apa amaun bagi pindahan pihak-sama ke dalam FCA Pelaburan</p> <p>2. Semua penggunaan dibenar menuru Notis FE berkaitan, seperti:</p> <ul style="list-style-type: none"> • Pengiriman wang mata wang asing bagi yuran pendidikan luar negara; • Pengiriman wang mata wang asing bagi belanja sara hidup anak-anak yang tinggal di luar negara; • Pengiriman wang mata wang asing bagi pembelian barang daripada penjual luar negara

*Terpakai bagi Pemastautin dengan Peminjaman Ringgit Domestik sahaja

APAKAH PEMINJAMAN RINGGIT DOMESTIK?

Peminjaman Ringgit Domestik adalah apa-apa peminjaman dalam Ringgit yang didapat daripada Pemastautin lain (termasuk peminjaman daripada bank dalam pesisir berlesen) kecuali:

- Kemudahan kredit/pembianaan (sudah guna atau belum guna) yang didapat individu Pemastautin bagi pembelian satu (1) harta kediaman dan satu (1) kenderaan; atau
- Kemudahan Kad Kredit atau Kad Caj yang didapat individu Pemastautin dan digunakan untuk membayar barang runcit atau perkhidmatan sahaja.

Sebagai contoh, seorang Pemastautin dianggap mempunyai Peminjaman Ringgit Domestik jika dia mempunyai Pinjaman Peribadi denngan XYZ Bank Berhad.

PENTING:

Dokumen ini tidak mengandungi maklumat serba lengkap dan adalah sekadar panduan umum bagi pelanggan. Anda dihasbihatkan supaya membuat rujukan kepada Notis-notis FE yang lengkap dan terkini, yang boleh diakses di laman web Bank Negara Malaysia (BNM) melalui www.bnm.gov.my.